

Da Bologna fo letere di sier Gasparo Contarini et sier Gabriel Venier oratori, di 30 decembrio. Come, havendo hauto le lettere del Senato di alegrarsi col papa et con l'imperator, andono da Sua Santità et feceno l'oficio scritoli, et parlando zerca el duca di Ferrara, che desideresemo *etiam* esso duca fosse pacificato con Sua Beatitudine, disse voleva al tutto Modena, Rezo et Rubiera, et niun de questo li parli, se 'l dovesse ruinar la Romagna et vender le terre, dicendo: « *Domine orator*, quella Signoria ne comprerà qual che sia. » *Item*, fono da l'imperator, et Soa Maestà usò perfettissime parole, dicendo che sempre vederia volentieri quelli veniva a la soa presentia per nome di la Signoria nostra. *Item*, che monsignor di Prato è partito per andar in Franza per far restituir li fioli al re Christianissimo. *Item*, manda li capitoli de la paxe et liga, sottoscritti per la Cesarea Maestà et autentici, et voleno publicar la pace el primo de l'anno et non el zorno dil Re etc.

300

Forma publicationis pacis.

El serenissimo et excellentissimo Prencipe nostro domino Andrea Gritti a tutti dichiara et fa manifesto, che, in nome de la santissima Trinità et de la gloriosissima Madre Verzene Maria et di misser San Marco evanzelista protector nostro et de tutta la corte celestial, in la città de Bologna, a dì 23 del mese di decembrio proximo passato, per mezo del nobil homo Gasparo Contarini orator nostro, è stà conclusa et firmata, stipulata et iurata bona, vera, valida, sincera et perpetua pace, con li capitoli et condition in quella contenuti, tra il santissimo et beatissimo in Christo padre et signor Clemente per la divina providentia papa VII, el saceratissimo et invietissimo signor Carlo electo imperator de Romani sempre augusto, et el serenissimo et excellentissimo signor re Ferdinando so fratello; esso nostro illustrissimo et excellentissimo Principe et inelita Signoria nostra, et lo illustrissimo et excellentissimo signor Francesco Sforza duca di Milano, adherenti et raccomandati de cadauna de le parte, la qual pace el summo et omnipotente Idio si degni per sua benigna clemenza benedir et conservar perpetuamente, et viva San Marco.

302¹⁾

A dì 2 domenega. Introno Savi del Conseio, sier Marco Minio et sier Nicolò Bernardo, stati altre

(1) Le carte 300*, 301, 301* sono bianche.

fiate; et fo mandato per sier Marco Dandolo dotor et cavalier, ussito di savio del Conseio et rimasto orator al pontefice et Cesarea Maestà, per saper quel el voleva far, et si ponesse con li altri in ordine per andar a Bologna, el qual disse per esser vechio et aperto se voleva excusar al Pregadi doman.

Item, per il Collegio, fo fato una lettera a sier Marco Antonio Venier el dotor, orator al duca de Ferrara et rimasto orator a star apresso la Cesarea Maestà, et scrittogli togli licentia dal duca et vegni in questa terra; ma li soi parenti comparseno in Collegio dicendo haverli scritto de la sua election et aspeta la risposta, et credeno che non vorà andar, *unde* fo suspesa de mandar la ditta lettera.

Fo leto le lettere di Bologna di oratori Contarini et Venier, venute heri matina.

Da poi disnar, fo Gran Conseio, vicedoxe sier Alvisè Malipiero el consier, in paonazo. Fu fato 9 voxe, et tutti passoe.

Et la sera, fu fato in piazza fuogi assai, et vi fu grandissima zente.

Etiam in fontego fo fato fuogi et ballato fin tardi. Et il legato ha fatto una bellissima festa de trombe et pifari et fuogi assai. Fo *etiam* assà lumiere per li campanieli, et fato festa in caxa de l'orator de Franza, de fuogi, et di l'orator de Milan.

A dì 3. Fo lettere di Bologna, di . . . , de l'orator Contarini primo, hore Come heri sera a hore 22 fo publicata la liga et paxe in piazza, et la sera fato fuogi et trar artelarie, et la matina fo dito una messa in . . . per il cardinal Cesis, et lui orator et il Venier andono a basar li piedi al papa et la man a l'imperator, et fo fato una oration latina, et il duca de Milan portò la coda al papa. Scrive, come ha inteso, l'imperator vol mandar do oratori a la Signoria nostra, personazi da conto, uno el arziepiscopo de Bari et l'altro lo episcopo de Burgos, over uno de loro. Scrive, doman partirà monsignor de Prata, va in Franza per haver li danari promessi dal re et farli rendere li fioli. Se dice, l'imperador vol andar in Alemagna. Scrive de le cose di Ferrara il papa al tutto vol sia adimpito li capitoli, ancora che Cesare dagi favor al prefato duca. Scrive, el papa ha laudà la eletion de 4 oratori che suplisse a Soa Santità et a Cesare.

Di sier Gabriel Venier orator, di primo, da Bologna. Scrive *ut supra*. Et era in piazza heri quando fo publicà la paxe et liga, et fo nominato *solum* el signor Francesco Sforza senza darli altro titolo, *unde* l'andò dal duca preditto, qual, inteso, ave a mal, e andà dal reverendissimo Gran canze-